


NGAPI KOMBINGA ZO VETA? -Rukwangali-



“Kutupu muntu ogu a hungama kosipara saKarunga morwakusikisa mo Veta. Eyi azi rugana Veta, yokuhorwera muntu unzoni wendi.”

VAROMA 3:20

[Tara mo namo movaRoma 7:7]



Veta kutu tantera asi yinke nonzo.

“Nkenye ogu a tura nzo, ogo kuzona Veta zaKarunga, yeeyi nzo kuninka asi kuzona Veta.

1 JOHANESA 3:4



Nzo nsene tuteza Veta zaKarunga.

“Yeeyi Veta kureta ehandu IyaKarunga, nye oku kwa dira kukara Veta, kapi kwa kara hena mataguruko gazo.”

VAROMA 4:15



Kapi tatu vhuru kuteza Veta nsene azo
Veta patupu.

“Nzo yimo za kere mouzuni , azo Veta simpe patupu. Ano nzo kapi ava zi varura, nsene zi pira po Veta.

VAROMA 5:13



Kapi tatu vhuru kukara nounzeni wononzo nsene zidirapo Veta.

“Yeeyi navenye kwa zona, makura uyerere
waKarunga yiyo va u pira.”

VAROMA 3:23



Bibeli kwaku tanta asi natuvenye
twazona – Eyi yaku tanta asi Veta pozili.

“Ano Veta zene-zene kwa pongoka, sipango
naso kwa pongoka, aso kwa hungama aso
siwa”

VAROMA 7:12



Veta kwa pongoka, azo kwa hungama,
azo ngwa.”

“Walye omu kara nomakongo govantu, ntudi gaaga gokulihara-hara no. Yeeyi nkenye ogu ga hara mukwawo, Veta a sikisa mo. Yeeyi asi, ‘Walye o hondere, Walye o dipaga, Walye o vaka, Walye o dovaukire Yuma,’ yipango eyi noyikwawo nayinye nkenye oku ya ka twa, kwa yi manga kumwe montanto ezi asi, ‘Hara mukweni moomu wa lihara nyamoge.’ Ogu ga hara mukwawo kapi a mu ruganene yoyidona. Yiyo nye asi eharo kusikisa mo Veta mudima.”

VAROMA 13:8-10

[Taramo namo mwa Mateusa 19:16-26]



**Eharo yilyo elimburuko ko yipango
yaKarunga.**

“Apa natu yi divira asi ose kwa hara vana vaKarunga, pokuhara Karunga nopokusikisa mo yipango yendi. Eharo lyetu lyokuhara Karunga lyeli asi, ose atu sikise mo yipango yendi. Ano yipango yendi, kapi ya paka udigu.”

1 JOHANESA 5:2, 3



Kulimburukwa elimburuko koVeta
[eharo] yilyo yiyimwa yava vazowoka
koyipango.

[Ntani yipango yendi kapi yapaka udigu]

“Monkenda zaKarunga yimo mwa parukira,
morwepuro. Eyi kapisi yanyamweni, uhwi
waKarunga, kapisi morwayirugana
yanyamweni, neisi mu linenepeka,”

VAEFESO 2:8-9

[Tara mo namo movaRoma 3:28]



Mulyo unene: Ose kwa parukira
monkenda zaKarunga morwepuro.

“E, nani ezi Veta tatu zi dongwenesa po nye kepuro? Ndangose! Ose kukorekesa Veta kepuro.”

VAROMA 3:31

[Tara mo namo movaRoma 6:1-2]



Nkenda nepuro kapi ayi gusapo Veta ayo kuzi kuzi koreka.

“Ano nsene mu sikisa mo Veta zoUntungi waKarunga, moomu va tjanga asi, ‘O hare mukweni moomu wa lihara nyamoge,’ ngoso kuhungika omu hungike.”

JAKOPO 2:8



Veta kuzi tumbura asi veta zountungi waKarunga. Morwa azo veta zaHompangwetu ntani Muzowoli Jesus.

“Omu uyunge oku tomu rugana ngwendi
vava ngazi pangwisa Veta zokumanguruka.”

JAKOPO 2:12



Karunga nga ruganesa Veta zendi pokutu
pangura mezuva Iyo mpanguro.

“Konyima zeyi nayinye, simwe tupu selike sokuhepa kuuyunga asi: Tjira Karunga, ove o limburukwe koyipango yendi, yeeyi yangesi, yiyo va mu ungira muntu.”

MUUDISI 12:13



Yiso sirugana sovantu navenye sokulimburukwa ko veta zaKarunga.

“Nsene mu sikisa mo yipango yange, tomu
kara meharo lyange, moomu ani sikisa mo
yipango yaTate, yiyo na kara meharo
lyendi.”

JOHANESA 15:10



Jesus ngalimburukwa ko yipango
yaKarunga.

“Nsene mwa hara nge, ngomu sikisa mo yipango yange.... ‘Ogu ga kara noyipango yange, nye age ta yi sikisa mo, yige nye googo ga hara nge. Ano Tate nga hara ugu ga hara nge, name ngani mu hara, makura ngani mu lihorwere.’”

JOHANESA 14:15, 21



Nsene mwahara Jesus mwahepa none kusikisamo yipango yaKarunga.

VETA ZAKARUNGA
-YIPANGO MURONGO-

EHARO KWAKARUNGA

SIPANGO SOKUHOVA



“Walye o tongamene vakarunga nawopeke
kumwe name.”

EXODUS 20:3

SIPANGO SAUVALI



“Walye o liruganene mafano gokuhonga ndi nkenye sihwi seyi yekeguru ndi seyi yepevhu, ndi seyi yomomema konhi zevhu. Walye o yi nyongamene ndi asi oyi tongamene. Yeeyi ame, HOMPA Karunga goge, ni Karunga gesupa ogu an tondora unzoni wovaguhya kovana vawo koruvharo rwautatu noruvharo rwaune rwava va nyenga nge, nye mayovi gava va hara nge oku tava sikisa mo yipango yange, tani va fire nkenda.”

EXODUS 20:4-6

SIPANGO SAUTATU



“Walye o tumbagura Edina IyaHOMPA
Karunga goge mawoko-woko, yeeyi HOMPA
kuhandukira ogu a tumbagura edina lyendi
mawoko-woko.”

EXODUS 20:7

SIPANGO SAUNE



“O diworoke kupongora ezuva lyEsabata. Mazuva gatano-nalimwe yigo gokurugana yirugana yoge nayinye, nye ezuva lyautano-nauvali Esabata lyaHOMPA Karunga goge. Makura nokurugana mo si hena nampili karugana, nyamoge ndi munoge gomugara ndi gomukadi, ndi mukareli goge gomugara ndi gomukadi, ndi simuna soqe ndi munayirongo ogu ga kara kumwe noge. Yeeyi momazuva gatano-nalimwe yimo ga ungire Karunga eguru nevhu, nefuta neyi ya kara mo nayinye, ano mezuva lyautano-nauvali, makura ta pwizumuka. Yiyo nye ga tungikilire Karunga ezuva lyEsabata, ta li pongora.”

EXODUS 20:8-11

EHARO KOVAMA PARAMBO VETU

SIPANGO SAUTANO



“O fumadeke oguhwo nonyoko asi o gwane erago nomwenyo gokupukura mosirongo esi nga ku pa HOMPA Karunga goge.”

EXODUS 20:12

SIPANGO SAUHAMBOUMWE



“Walye o dipaga.”

EXODUS 20:13

SIPANGO SAUHAMBO MBALI



“Walye o hondere.”

EXODUS 20:14

SIPANGO SAUHAMBO NDATU



“Walye o vaka.”

EXODUS 20:15

SIPANGO SOMUYU



“Walye o rundire mukweni.”

EXODUS 20:16

SIPANGO SOMURONGO



“Walye o dovaukire emona lyamukweni.
Walye o dovaukire mukadamukweni ndi
mukareli gwendi gomugara ndi gomukadi,
ndi hove zendi ndi sindongili sendi ndi
nayinye eyi ga kara nayo mukweni.”

EXODUS 20:17



www.lightindarkness.site